

Kafa - Mecheena'ote Yaafa Macaafouch - Wives Scriptures

Efesooni 5:22-24 Mecheena'ote! Kiristoosi kittinnee guuphochi shimbo bi tunatoomon, biyoo bi ashittinee quumo tunati kittinnee guuphochi wodiyacho bi tunatoomon, keno mechechi shimboone. Ebich Doono Yesuusich ittoshi hajee beetoomon, ebiyoomon ittoshi keneena'oyich hajeebote! 24 Kittinnee guupho Kiristoosich bi hajee beetoomon, ebiyoomon mechee wotta bulli mooyona bi kenoyich hajeeboye.

Efesooni 5:31,33 Yaafa Macaafouchaa bi getteetoomon, "Ebich asho bi nihoonaa bi indeenon qayiree bi mecheena tookki ikkoo tunemmone; gutteena'oo ikka meeno tunemmina'one." 33 Tunatee ebi qaaro wotta ittoshichoonaniye; asho bi ikki ikkoona bi mecheen bi qelloomon tuniiree shune; mecheyoo bi kenoon oogiiboye.

1 Qorontoosi 7:3-5 Keno bi mechech bi ashittinoon woonnaaye; mecheyoo ebiyoomon wotta bi kenoyich bi ashittinoon woonnaayoye. 4 Meche bi ashittinoon "Ta hajoone" gettaayo; bi ashittino bi kenoochone. Kenoo ebiyoomon wotta bi ashittinoon "Ta hajoone" gettaaye; bi ashittino bi mechechone. 5 "Giishacha aabee wottoo corootibone" iqqi echeeqqi ittoshi tuniiti aaboyee besh, ittoshinaa ittoshina wooneyaahotine! Qellee hakkee qayona Sheexaanoo ittoshin bi dachaachemmooyich, wochinnoon ikkottabote!

1 Qorontoosi 7:34 ebina bi mullo gutti beera qoodeetone. Kittinnoo tunati, kenaalli maachee oohee gidiiree "Ta kashoonaa ta meenonon Doono Yesuusich diiribana" iqla Doono Yesuusichi mooyoniye bi gabii beeto. Tunaballi shaaggeeti kittinne tunati maachee "Ta kenoon aabichiree emirikkibate?" iibee bi kechi mooyoniye bi gabii beeto.

Qolaasiyaasi 3:18 Mecheena'ote! Doono Yesuusichi dabboo ittoshi tunatoyich ittoshi keneena'oyich hajeebote!

1 Ximootiyoosi 2:11-15 Bulli mooyoyich maacheena'o boonoshi qelloon yeepphaayi cikkiree (udiree) ellabeete; 12 maacheena'o cikkiree beebeetalli (udeetalli), boonoshi qelloon oogichii anaamina'on wochoonaa kittinneena'o kicee beeti kexoochaa anaamina'oyich boonoshi dojoonon daaggaache. 13 "Ebin daaggaache" ta ii beeti naboo, Yeeri batti bat Addaamin halliichii, gub Hewaanin bi hallitoyichiye; 14 wotta dacheeqqa Yeerichi getoon shaaddati, maachealli Addaami toonoone; 15 tunaballi maachee bi mulloon Kiristoosichi toommooch too'iiqqa, kittinneena'on shunnaqqa, dag tata gaawa shuriyoona bi qelloon xallittinoona bi quya gaata, Yeeri shimi maaxoochée diggoona biin biichemmone.

Genesis 3:16 - 1 Pheexiroosi 3:1-6 Mecheena'ote! Ebiyoomon wotta ikkikka ittoshi keneena'o Kiristoosichi wochoon ibariyaaneena'o boonoshi tuna gaata, noonoona getona tunataanoon, boonoshin oogiibee, gaawa qocoona

ittoshi beemon boonoshich bekkiibee, ebi ittoshi gaawa beemi qoco boonoshin Kiristoos waan bi deebemmooyich boonoshich de'a getote! 3 Qellee shipeyoona aachee gudichoон gedona oohee gatiyoo aaxxoo tunati qoraddoon tahoona ashi be'anoyich tunaa beeti maachi mashaamoon qaawiyahotine! 4 Tunaballi Yeerichi aafooch bi gatiyoo oogaton aaxxoo tunati maacaa mashaamiti ashooon tunabote! Ga'i de'oonaa gaawa shuriyachonon tunaree aallataani mallatoon qaawibote! 5 Ebiyoomon wotta wonnee yemeenooch Yeerin gibanaqqi biich diireeti genneena'o boonoshi keneena'oyich de'a getona mashaamitina'o tunatina'one. 6 Eboshichi daggoochee Saari ikkeene; biyoo Abrahamin "Ta doonocho!" iqqa ceeggaabee biich de'a iyane. Ittoshiyoo wotta amashee mooyoyicholla shataanoon gaawa shuunoon ittoshi shuuna gaata, Saarichi bushiishoo ittoshine.

Titoosi 2:1-5 Tunaballi ne, gaawa kittinnittinee doyoyich mashaamiton dojibe!

2 Geena anaamina'o dag tateena'o, gaxa maggeena'o, boonoshi qellee ariyachina'o, Kiristoosichi toommooth mullee too'iyoonaa maneena'on shunona, haa'iyoonoo kuppheena'o boonoshi tunemmooyich ciice! 3 Ebiyoomon wotta geena genneena'o boonoshi qocoona Yeerich diireetina'o, oonaaneena'o, wodda woyinee uyoon wotaaneena'o, de'a mooyon dojii beetina'o boonoshi tunemmooyich ciice! 4/5 Ebin boonoshi tunii gaata, Yeerichi qaaro naaggeyaachemmooyich, gurimaasha maacheena'on dojemmina'one; boonoshi dojemmoo boonoshi keneena'ona boonoshi bushiisheena'onon shunnii beetina'o, boonoshi qellee ariyachina'o, kiinaalli xalleena'o, boonoshi kexooch shuunaa beetina'o, maaci de'eña'o, boonoshi keneena'oyich de'a ii beetina'o boonoshi tunemmooyichiye.

1 Qorontoosi 11:5-7,10 ebiyoomon bi qelloon kaafaanoon corootii beeti, oohee Yeerichi qaaron gettaa beeti maachee bulli bi shimbo tunati anaamoniye bi yeellii beeto; ebiyoo bi qelloon kaafaani ure caggeetiyoomi bi tunatoyichiye. 6 "Ta qelloon kaafaache" immi maachee bi qelloon caggeeboye! Caggeyoo bi yeella gaata, kaafoye. 7 Anaamo Yeerichi shaahoonaa bi oogee yiiree mallatoonon bekkiyacho bi tunatoyich, bi qelloon kaafo biich qaawiyache; tunaballi maachee anaamoyich oogee yiiree mallateene. 10 Ebich maachee bi qelloon kaafoye; ebina corootoyich oohee Yeerichi qaaron getoyich bi daaggeyoon bekkiihane; wotta ebina shimaaji maraakeena'o bi daaggeyoon ariiyemmina'one.

Shaahiyonna 12:4; 14:1; 19:13; 21:9,19; 25:24; & 27:15,16 - contentious & angry Mecheena'ote; Shaahiyonna 31:10-31 - The Virtuous Mecheena'ote.